

Date – 19/04/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

- 1. **Mizoram Excise and Narcotics Department in Aizawl khawpuia hotel leh restaurant 5 atangin dan lova zu leh a kaihhnawih an man.**
- 2. **Mizoram Transport Department chhinchhiah danin Mizoram chhunga lirthei pung chak ber chu lirthei ke hnih nei a ni.**
- 3. **Food, civil supplies & consumer affairs department chuan mipui buhfai ei tur phur a kawng laka hralh rutute lakah FIR an thehlut.**
- 4. **Chhatisgarh-ah Maoist hel 22, thuneitute kutah an inpe.**

<><><>

LIQUOR SEIZED

Mizoram Excise and Narcotics Department in Aizawl khawpuia hotel leh restaurant hrang hrang dan lova zu leh a kaihhnawih zuar nia rinhlelh an enfiah na ah hmun nga (5) atangin zu tam tham tak man a ni.

Excise in zu an manna hmun te hi : - Falkland venga hmun 3 – Buzz Inn, Chopstyx, leh Hot Pot Grace Restaurant te an ni a, heng bakah hian Thuampui Vengthara Silverspoon Restaurant leh Thuampui-Falkland Junction-a Heritage Lounge Karaoke atangin zu leh a kaihhnawih thahnem tak man sak niin MLP Act hnuaiah thubuai ziah luh a ni.

Excise in Zu leh a kaihhawih an man te hi sap zu leh beer thahnem tak bakah Rakzu litre 37 leh plastic bottle 37 te an ni.

Hetihlai hian tunkar ningani khan Kolasib District chhung Phaisen Police Outpost a duty te chuan lirthei pakhat atangin India siam Sap Zu (IMFL) Case 8 leh Beer Case 3 an man a, Vairengte Police Station ah thubuai ziah luh niin, Court thupek angin Driver hi District Jail-ah dah luh nghal ani a, Zu leh Beer hi Court Malkhana ah dah luh ani bawk.

Thudawn danin, he Truck hian Silchar atangin Aizawla dah tur plastic bungrua thahnem tak a phur a, bungraw karah Zu hi man in, Zu hi Aizawl Veng pakhat a dah tura a phurh ni a hriat a ni.

<><><>

MIGOSTU PROTEST

Mizoram sawrkar school zirtirtu inzawmkhawm chuan sawrkar hmasa in zirna hrang hrang dinhmun sang zawka a hlankai te tuna sawrkarin dan siamthat ngai leh fello chhuanlama a paih chu provincialised status ah dah let

an phut a, sawrkar laka lungawilohna hrang hrang tarlangin karleh chhung khian an hnathawhna hmunah badge dum an bel vek dawn tih an sawi.

Mizoram Govt. School Teachers Union (MIGOSTU) chuan sawrkar hmasa in dinhmun sang zawka zirna in a hlankaina provincialised status chu tun sawrkar Cabinet thukhawmin a hnawl bakah High School leh Middle School Headmaster kum tam tak lo thawk te zirtirtu pangaia an tlak theihna tur an rawn telh thar an ti a, heng Cabinet meeting in a rel te chu a rang thei ang bera ngaihtuah that leh ni se an duh tih sawiin Provincialised status ah dah let an duh tih an sawi.

MIGOSTU chuan a tehfung an hmanna ah thingtlang leh khawpui inang renga an siam chu diklo an tih thu sawiin thingtlanga school te tan kaisan ve theihna a awm tawh dawnlo nia an hriat avangin dan thar an siam chu sut leh vat turin an phut tih an sawi bawk.

<><><>

TRANSPORT

Mizoram Transport Department chhinchhiah danin Mizoram chhunga lirthei pung chak ber chu lirthei ke hnih nei, two wheeler a ni.

Nikum December thla atanga kumin March thla chhung khan Mizoram chhunga two wheeler register thar zat chuan 18,062 a tling tawh a, hemi chhung vek hian LMV register zat pawh 2,930 a nih thu tarlan a ni bawk.

Transport Dept chhinchhiah danin, kumin March thla tawp thlengin Mizoram chhungah lirthei 3,32,440 register a ni tawh a, Lirthei register zingah hian lirthei ke hnih nei, two wheeler chu register tam ber a ni a, tun dinhmunah Mizoram pumah two wheeler 2,29,154 register tawh niin hemi dawt-ah hian mimal motor LMV 55,313 register a ni tawh bawk.

Kan corr report lo ngaithla ang.

VC

Transport Department-in a a tarlan danin, tun dinhmunah Two Wheeler Taxi Mizoram pumah 4126 a awm mek a, passenger phur motor-te ke li nei 5864 awm mekin passenger phur motor tho ke thum nei chi 6359 Mizoram pumah register tawh a ni bawk a, heng bakah hian sumdawnna atana hman, motor lian bungraw phur chi 2,3,614 register tawh a nih bakah Car rental a tlan lirthei 350 a awm mek bawk.

Transport Department-in thla hmasa thlenga Mizoram a motor register tawh a chhinchhiahna-ah hian Mizoram chhungah Bus 566 awm mekin Ambulance 256 register a ni tawh bawk a, lei laihna lirthei, Excavator pawh a vaiin 1198 register a ni tawh bawk.

<><><>

LMC

Lunglei Municipal Council (LMC) hotute chuan an Chairman Pu Lalzuithanga hovin Lunglei khawpui tui lakna Pialthleng hmun tlawhin, Public Health Engineering Department hotute leh contractor te nen Lunglei khawpuiin tui harsatna a tawh thin sut kian nana AMRUT 2.0 hnuaia cheng vaibelchhe 4.7 hmanga Tlawng lui tui khuah hna thawh mek chungchang an sawi ho.

LMC Chairman Pu Lalzuithanga chuan thal laia tui harsatna thleng thin avangin tui khuah mek chu mipuiin a zawh hun an nghahhlelh thu a sawi a. Nakum lamah Lunglei khawpuiin tui harsatna lian tak a tawh nawn tawh lohna turin contractor te chu a hun takah tha taka thawk zo tura chahin, LMC

pawhin Lunglei tui lakna thuam that leh tihchangtlun kawngah theih tawp chhuah an inhuam thu a sawi.

Tuikhuah chungchanga kan corr report lo ngaithla ang.

VC

PHED LWSM EE Pu V. Laldanmawia chuan Tlawng lui tui khuah mek chu nikum 2024 February ni 27-ah contractor nen agreement ziah a nih thu sawiin, a project pumpui atan cheng vaibelchhe 4.7 ruahman a nih thu a sawi a. Nikum lamah hna tan tura hmanrua lak khawm tan a nih laiin furin a nan avangin kumin February thlaa zawh tura ruahman chu zawh theih a nih tak loh thu leh hna thawh hun chu kumin August thleng pawh sei a nih thu a sawi. Tui khuah chu metre 15 vela sang tur a nih thu sawiin, tunah hian hna za zelah 35 vel zawh a nih tawh thu a sawi a. Tui khuah hi AMRUT 2.0 fund atanga thawh ni mah se, central atanga pawisa dawn a la nih loh avangin contractor hnenah cheng eng zat mah pek a la nih loh thu leh contractor-in ama sum senga a thawh rih thu a sawi.

<><><>

MNF

MNF Treasurer Pu Lalruatkima chuan ZPM Sorkarin kawngtin rengin sorkar hnathawkte an vau nasa a, chu chuan nawrhna a hring mek a ti. He thu hi vawiina Hnahthial District Mizo Hnam Run-ah, Village Council 2025 inthlana MNF Candidate tlingte lawmpuina leh chawimawina hlanna-ah sawiin, Pu Lalruatkima chuan ZPM sorkar chu sorkar hnathawk ten an rintawk loh zia a lan tir a ni, a ti a, ,Inthlan dawn kuma nuar thinte chuan tun atangin lungawi lohna an lantir a, hei ti thil mak a tling a ti.

ZPM sorkar chu sorkar hnathawkte vau ching leh pawl dangte diriam ching an nih thu pawh sawiin, Pu Lalruatkima chuan, CSS hnuaia thawkte nawrh pawh nu leh pa chan chang loin an vau nghal a. Universal Health Care pawh Private Hospital pakhat mahin inremna (MOU) an la sign pui duh lo a. Sorkar hnathawk inzawmkhawm pawlin an dodal bawk a ti a. Heng inrem lohna awm te hi dawhkan khat kila sawi fel tum aiin ZPM sorkar chuan vauna leh tihelna nen, runluih chungin an chawh hnawh zawk a ni, a ti.

MNF Treasurer chuan, Buhfai man a let thawka tih to te, Petrol leh Diesel man tih san te, Sawhthing, Hmuhphiah, Hmarcha leh Aieng an lei mumal thei lo te chu VC inthlan hun an sawn hma chhan a nih thu a sawi a. Pu Lalruatkima chuan ZPM sorkar chuan tunah sawhthing lei nan cheng Vbc. 36 vel chauh an hmang a, a la chuang Vbc 74 chu a rang lama sawhthing lei nan hmang se, tunah chuan an chawh sa a ro tan a, a then a chawr a. A hlawk loh hun nghah chhuah kher chu ZPM sorkar thil tih vanduaithlak tak a ni a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

ZORAMTHAR PRESS CONFERENCE

Zoram Thar Zofate Lairelna Inpui chuan karleh thawhtanni ah Zofate Pathian Biak Inpui sakna tur atan ban phunna hnatlang a ko.

Zoramthar chuan vawiin khan Aizawl Press Club ah chanchinbu mite kawmin Zohnahthlak zawng zawng ban phunna Hnam Hnatlang atan thawkchhuak turin an sawm an ti a, a hmuna hnatlang thei lo te pawh hnatlang thawhlawm hmangin a hnatlan theih tih sawiin mimal, chhungkua, pawl, Kohhran emaw hnam chipeng hrang hrang anga thawh duh te tan a thawh theih dawn an ti a, a thawh te chu Zoram Thar Zofate Lairelna hminga citation pek an ni dawn tih an sawi bawk.

Zoram Thar Zofate Lairelna Inpui chuan Zofate Pathian Biak Inpui chu Krista leh hnama an inpumkhatna tur hmanrua bakah chanchintha hrilna tur hmunpui a nih avangin, rilru hmunkhat pua hnam hnatlang atan thawk chhuah turin mi tin te an sawm a ni.

<><><>

PM IN SAUDI ARABIA

Prime Minister Narendra Modia chuan Thawhlejni khian ni 2 chamin Saudi Arabia a tlawh dawn. Saudi Arabia Crown Prince leh Prime Minister ni bawk Prince Mohammed bin Salman sawmna avanga tlawh tur a ni a.External Affairs Ministry thuchhuah danin tun tum hi PM Modia'n Saudi Arabia a tlawh vawi thumna tur a ni a. Kum 2016 leh 2019 ah te khan a lo tlawh tawh a. Kum 2023 thlaa G20 Summit neih anih khan New Delhi-ah Prince Salman hi lo zinin India-Saudi Arabia Strategic Partnership Council neih alo ni tawh bawk a ni.

<><><>

PHARMA

Nikum sawrkar tangka kumah khan India-in rampawna damdawi a thawncchhuah chu dollar tluklehdingawn 30 chuang a tling. USA-a chu India-in damdawi siam lalut hnem ber ram niin hmun thuma thena hmun khat chu US-ah thawnluh a ni a. Kum 2024-25 chhung khan damdawi lam kaihnawih thawncchhuah zat hi dollar maktaduai 30 tlingin hei hi kum hmasaa dollar tluklehdingawn 27.5 aiin zaa 9-in a pung a. Kumin March thlaa damdawi lam thawncchhuah hi nikum March aiin zaa 30-in a pung bawk a ni.

<><><>

DELHI

Delhi-a Mustafabad-a in chimah mi pali an thi a, mi 12 in hliam an tuar. Thudawn danin vanduaiana hi tukin zing kara thleng a ni a. In chim hi chhawng lia sang a ni a. NDRF ten a hmunah chhanchhuah hna an thawk nghal a. NDRF DIG Mohsen Shahedi chuan chhanchhuah hna thawh anih thu leh a hmun a chep avangin duh anga chaka an thawh theihloh thu a sawi. Inchim karah hian mi 14 dama chhanchhuah tawh an ni.

<><><>

JEE

National Testing Agency (NTA) chuan vawiin khan Joint Entrance Examination (JEE) Main Session II 2025 result a ti chhuak a. Zirlai 24 in JEE Main 2025 Paper (BE/BTech) ah mark 100 ah mark 100 an hmu a ni JEE result hi a en duh dan JEE Main website-jeemain.nta.nic.in ah en theiha dah a ni.

<><><>